

Քարտ 2467/454, 18թթ., 12

12.03.2019թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 385831/02

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով վարչական իրավախախտման վերաբերյալ թիվ 3267 գործը և ուսումնասիրելով վարչական իրավախախտման վերաբերյալ 12.03.2019թ. թիվ 3267 արձանագրությունը,

ՊԱՐԶԵՑԻ

Անհատ ձեռնարկատեր Հենրիկ Կարոյանը (ՀՎՀՀ՝ 23233428, հասցե՝ ք.Երևան, Արմենակյան 107) ՀՀ հարկային օրենսգրքի 457-րդ հոդվածի 6-րդ մասով սահմանված ժամկետում չի ներկայացրել **2018թ. դեկտեմբեր** ամսվա հսկիչ դրամարկղային մեքենայով իրականացված հաշվարկների հանրագումարի վերաբերյալ տեղեկությունները, ինչի համար վարչական պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169<sup>1</sup> հոդվածի 2-րդ մասով:

Գործի քննության ընթացքում Հ.Կարոյանը բացատրագիր է ներկայացրել այն մասին, որ 2018 թվականի ընթացքում համարվել է ավելացված արժեքի հարկ վճարող, ուստի գործունեության ընթացքում իր կողմից պետք է կիրառվեր ցանցային կապի հնարավորություն ունեցող հսկիչ դրամարկղային մեքենա, սակայն, անտեղյակ լինելու հետևանքով, վերջինս աշխատել է հին սերնդի ՀԴՄ-ով: Նշել է նաև, որ վարչական իրավախախտման գործի վերաբերյալ ծանուցագիրը ստանալուց հետո անմիջապես ներկայացրել է 2018թ-ի հոկտեմբեր-դեկտեմբեր ամիսների ՀԴՄ տեղեկությունները, ուստի խնդրել է իրեն ազատել վարչական պատասխանատվությունից:

Տեղեկատվական համակարգում առկա տվյալների ուսումնասիրության արդյունքում հայտնի է դարձել, որ Հ.Կարոյանը, որպես անհատ ձեռնարկատեր հաշվառվել է 05.10.2018թ-ից: Հ.Կարոյանի կողմից 2018թ-ի ԱԱՀ-ի և ակցիզային հարկի միասնական հաշվարկները ներկայացվել են սահմանված ժամկետներում, և ժամկետանց հարկային պարտավորություններ չկան: 2018թ-ի հոկտեմբեր, նոյեմբեր և դեկտեմբեր ամիսների ՀԴՄ տեղեկությունները ներկայացվել են 07.03.2019թ-ին և դրանցում արտացոլված հանրագումարը համընկնում է նույն ամիսների ԱԱՀ-ի և ակցիզային հարկի միասնական հաշվարկներում արտացոլված շրջանառության հետ:

Հաշվի առնելով կատարված արարքի նվազ նշանակությունը և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21, 244<sup>2</sup>, 281 և 282 հոդվածներով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի՝ Հենրիկ Կարոյանին ազատել վարչական պատասխանատվությունից՝ հայտարարել բանավոր դիտողություն:
2. Հենրիկ Կարոյանի նկատմամբ հարուցված վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ստորագրություն



ԱՄՆԱՅԱԿԱՆՅԱՆ